



## Universitätsbibliothek Paderborn

**ANATOMIAE LVTHERI || PARS PRIMA.|| Das ist/|| Auß den  
Siben boesen Geistern des vil See=||len verlustigen vnd  
also tewren Manns D.|| Martini Lutheri, die Drey erste  
Geister.|| I. Der Fleischlich ...**

Das ist/|| Auß den Siben bösen Geistern des vil See-||len verlustigen vnd  
also tewren Manns D.|| Martini Lutheri, die Drey erste Geister.|| I. Der  
Fleischlich geist.|| II. Der Lester geist.|| III. Der Lotter geist.|| ...

**Pistorius, Johann**

**1595**

**VD16 L 3592**

Protestation wegen folgender Spirituum/ so Ich meniglich Catholische vnd  
Newglaubige bitt zu forderst vnd vor den Spiritibus abzulesen.

**urn:nbn:de:hbz:466:1-35656**

# PROTESTATION<sup>17</sup>

wegen folgender Spirituum / so Ich  
meniglich Catholische vnd Newglaubige bitt  
zu forderst vnd vor den Spiritibus  
abzulesen.

¶ Ch Ioannes Pistorius Ni-  
danus SS. Theologix Do-  
ctor, Protonotarius A-  
postolicus, &c. Protestir  
offentlich/ Daz ich an allem was aus  
des Luthers eingefürten vñ in diese Spi-  
ritus verschribnen schandlichen oppi-  
gen vnd Gottlosen Worten beym ge-  
meinen Mañ/vnd sonderlich beym Wei-  
bern vnd Jungen leuten für Ergerniß  
erwachsen mögen / Wie auch an den  
Ehrrührungen/damit der Gottloß Lu-  
ther grosse Keyser/ Churfürsten/ Für-  
sten vnd meniglich in offnem Truck ge-  
schmecht/ vnd was mit Repetition der  
selben vnrecht verstanden werden kan/

\* h                    aller-

allerdings vnschuldig sein vñ für mich  
anderst damit nichts zu schaffen haben/  
dann daß Ich meniglich des Luthers  
Abschewlichkeit/vñ des armen Teutsch-  
lands Blindheit bekant machen wö-  
len/vnd derhalb wider mein Meynung  
alles was Ich gefunden/beyzeichnen  
müssen.

Bekenñ daneben gern/Daß Ich mich  
selbst zum höchsten geschewet/besagte  
ergerliche schmähliche Sach nur allein  
nachzuschreiben. Weil es aber zu ermel-  
tem Intent notwendig gewesen/vnd  
Ich für mein Person/was auß dem Lu-  
ther in Spiritibus angezogen wirdt/  
nicht für mich gesagt/Sondern allein  
vmb viler Leut Seligkeit willen/vnd  
den gewlichen Unmenschen kennen zu  
lernen/Aber sunst keiner anderer Mey-  
nung an diß ort gesetzt hab/So bitt Ich  
meniglich/Herrn vnd Knecht/Jung  
vnd

und Alt/ Mann vnd Weib / nach jedes  
gefür/ wann sie zu den Säwischen un-  
erbarenfleischlichen vnd andern lotter-  
Bossen/ Auch antastungen der grossen  
Heupter kommen/ daß sie gleichwohl  
(Inmassen auch mir beschehen) von  
Herzen über solche Greivel vnd Eugen  
erschrecken/ Aber weder sich weiter als  
zu Verhassung des Luthers daran er-  
gern/ noch mich / der Ich allein des  
Gottlosen Maüs öffentlich gedruckte  
Wort repetire müssen/ einiger Schuld  
verdencken/ oder der Publication ent-  
gelten lassen.

Dann Ich noch weiter vor der gan-  
gen Welt Angesicht gern gestehe/ Daz  
Ich dergleichē abscheuwlichen erschreck-  
lichen vnd ergerlichen Gestank vnd  
Schmähung wegen besorgter Erger-  
nuß/ vnd offensbarer Eugen/ vil lieber  
zwenzig Klaſſter tieff vnder den Bo-

\*h 2 den

Den versenckt vnd auß aller Menschen  
Augen vnd Gedancken abgerissen hett/  
Auch der vrsach so lang mit der Editi-  
on zu ruck gehalten/ Weil aber je dem  
versürten Armen Mann anderst nicht  
zurathen gewesen/vnd Ich einmal den  
Luther mit seiner ganzen geist- vnd  
weltlichen Gestalt recht vnd lebendig  
abmahlen/vnd das Contrasedt menig-  
lich zu mehrer Anfeindung des bösen  
Mäns wol in das Gesicht rucken wöll-  
en/ Hab Ich Ihm kein ander Farb/  
dañ damit er sich selber Illuminirt/ge-  
ben können/vnd billich nichts vnderlas-  
sen sollen/dadurch jederman sein war-  
hafte Abbildung eigentlich anschauen  
vnd zu seiner Seligkeit vor dem gew-  
lichen Mann von Herzen erschrecken/  
vnd also auß ansichtigung Lutherischer  
Misigestalt zu Erkanntnuß des lieblichen  
Herrn Christi/ vnd seiner freundlichen  
chr-

ehrlichen Gesponsz der Catholischē Kirchen gleichsam als ausz der Hell in Himmel vnd ausz einem Stanckhausz in ein wolschmeckenden Blumengarten oder ausz einem vffrührischen vnruhigen Schiffbruch zu dem Gestadt der Seligkeit verleitet werden mög. Welches Ich zuforderst protestiren/ anzeigen vnd bitten sollen/ Damit alle verfürte Lutherische/ Caluinische vnd andere zu warhaffter ernster Bekferung/ vnd vns Catholische zu efferiger andechtiger herzlicher Beharrung bey dem Glauben vnd der Kirchen Christi dem Allmechtigen trewlich befehlend.

\*h 3 Ver: